

黔記卷五十一目錄

棲逸列傳

王璘

李彬

朱憲

吳濟

李彬

潘子安吳頌

俞舉

楊時榮

朱繪

盛仲芳張懋英金暉

婁廣

謝武

朱芳

朱相陳嘉瑞

顧璇

李明榮

王蕃

王佐

越梁

陳楷王銓周綱

田惟安

黃鳳

黔記卷五十一

米憲而論人前身劉氏入大國恭和郭子章相奎父著

漢州宋興祖汝杰父正

貴溪畢三才成叔父校

棲逸列傳

蟪衣生日棲逸與寓賢遷客異遷客既通籍於朝或以

言事或以註誤而謫遠方如李太白王伯安張子儀鄒爾

瞻之類其賜環歸衮者多也寓賢者東西南北之人寄寓

此方或遷徙尺籍而非得過於朝者也若棲逸者生於黔

黔記卷五十一

長於黔不求聞達膏盲泉石跡寓賢更遯世顧不數數見  
此仲尼所以序逸民士安所以傳高士與

王璘

王璘貴州衛人號樵隱性耿介博通經史善詩隱居不仕  
取予一介不苟開家塾教郡中子弟餘五十年從者甚衆  
材官名將往往出其門所著有樵隱雜稿

朱憲 汪成

朱憲前衛人脩身隱居不求聞達正統間以賢良舉不就  
蜀獻王聞其賢招致于國未幾辭歸後有汪成能文工詩  
歛華弗炫爲鄉閭所重有訥庵詩五卷

吳濟

吳濟赤水人學行爲一時推重正統間衛學缺官御史包  
公徵以布衣委署學事凡五年克盡厥職士類悅服

李彬

李彬宣慰司人性慈煦急人難如饑渴尤精于醫景泰初  
郡中大疫彬日煮藥數斛貯以大壺令子弟分携赴閭陌  
療之全活者衆時稱爲陰陽先生後以壽終

潘子安

吳頌

弟頌

潘子安烏撒人性穎敏詩文清麗嘗遊滇蜀多著作累薦不就所著有清嘯集後有吳頌與弟預博學能文隱居不仕教授子弟信從者衆

### 俞舉

俞舉龍里衛人讀書博洽志甘恬靜年登八十屢舉鄉飲不赴

### 楊時榮

楊時榮字仁甫衡山人成化庚子以平越衛籍領鄉薦再試禮部不第乃歸衡山作別墅于巾紫峰下名其山口止山養晦自高不入公府未嘗以藥服出戶庭事親盡孝行誼脩飭人皆重之山上有白龍潭水可灌田時榮日課僮僕耕植其中意豁如也人呼為白龍先生

### 朱繪

朱繪字素之普安人成化丙午鄉舉不仕訓誨鄉人士多出其門州守徐琦上其行於當道略曰朱繪三試春官不偶幡然歸養考既歿事繼母如所生絕意仕進油然晦處掩扉自養無公門足跡簡易自脩與物無競陶然深杯溫手敝裘寢不知夢覺靡所憂小樓烟月無枝無求當道表

其門曰表正鄉閭

盛仲芳 張懋英 金聲

盛仲芳平越衛人當成化間德行詩文一時稱重衡門自守所著有獨齋集同時衛人張懋英性孝工書博學能文姑蘇金聲謫戍於衛文行與盛張齊名時號三隱

婁廣

婁廣普定人宋叅知政事機五代孫雅素好德耽嗜經史尤長春秋善于訓詁嘗言雅讓者三甘老布衣隱大林山

謝武 于禮

謝武永寧衛人少業醫遊青城山遇異人授以醫訣活人甚多年七十四無疾卒目號忙庵居士頗有著作述懷詩曰仰止義農七十年自甘庸拙守林泉低低草舍堪容膝矮矮藩籬不過有瓶裏有醪留客飲窻前無事枕書眠有人問我延年術只在胃中一寸天子禮淹貫經史篤於孝友舉成化戊子鄉試親老不仕養志衡茅詩曰不向紅塵覓利名水雲深處獨關情一壺天地滄洲闊千駟膏梁柳絮輕門掩落花春晝永鳥啼脩竹午風清有時堂上承詩

禮笑著斑衣歲月明卒年七十三

朱芳

朱芳興隆人幼聘趙處女尋以痘傷目及通禮欲娶女家辭之再三芳曰吾不娶若將安歸竟娶之人以劉廷式擬之子璣當貢陪貢衰且老遂令讓之

朱相 陳嘉瑞

朱相安莊人負性耿介有清節應貢不仕又有陳嘉瑞淳朴孝友吟詠林泉不求仕進祀鄉賢

顏敏

顏敏字良玉無錫人祖從成貴陽遂家焉好喜樂施天資明敏凡醫卜諸書靡不淹貫貴人稱之為顏百會良玉習進士業後以親老侍養不求聞達居家吟味精於繪事晚年尤好黃老乃於私第東構一樓以居名曰東樓翰林俞大有書東樓二字扁相問必治初都御史孔公鏞為之記曰余與良玉同吳產也子登東樓乃詢良玉曰樓名東非以日出于東東乃東方辰為生物之府於時為春於人為仁乎仁主乎生物凡人所居處必面東取生物之氣也良玉曰然乎雖居戎伍中志未始不在山水間也吾居東樓

上八窻洞達，獅峰拱前，銅嶺環後，南接垂虹，北對麗譙。朝於斯夕於斯，或對景而言，或開卷而讀，佳客至，或琴或碁，以觴以詠，足以怡情而遣興。凡樓外所接之物色，足娛目，聲足諧耳，徜徉於是，不知老之將至。余聞談者以貴陽之景在東樓，而擅其景者在良王。貴之重門高第，鱗次雲集，不數十年間，且有為墟者。良王一隱士耳，又無勢位可恃，乃獨作此樓，思保有之不亦難哉？為良王後者，尚當年彼之非固有不可常而求其固有可常者，固有莫如實德可常，莫如實行，所以求之之道，莫如實學。三者皆為可急可見，可以養身，可以顯親，可以遺後，此其所保者大矣。獨東樓乎哉？良王曰：善。請書諸簡，歸為子孫勸。

李明榮

李明榮，思南人，性質朴，好讀書。居東溪，年九十餘，未嘗一至城市。尤敦友愛，五子會玄，凡四世不分居。流賊方肆亂，村落俱被害，獨其家以尚義免。

王蕃

王蕃，思南人，讀書尚義，安貧守正，自號一瓢齋。工篆隸，善寫梅，為詩清逸。老而益工，當時名公咸與交游。所著有一

猗齋文集

王佐

王佐前衛人謹厚篤實博學好禮尤工於詩不願仕進與郡中賢者爲詩會唱酬曾纂脩貴州舊志有詩文傳於世

越梁

越梁貴陽人少游庠校不樂仕進隱于槐亭有鹿門風一時賢者結社稱槐亭先生又仁術濟世活人不責報年八十純然赤子也後曾孫八九人登科人謂陰德之報

陳楷

王銓

司罔

陳楷王銓同鄉俱清平衛人博學隱居能文章工吟咏銓終身養母以孝聞楷開館受徒多所成就網自號南坡學者稱南坡先生


田惟安

田惟安思南諸生應襲世官不願仕篤志好學朝夕不怠從李同野游後卒同野哭以文略曰世習舛戾仁道湮塞渭以劫身力追先哲子來助予實有其責四禮緒舉浮靡漸革行之旣久當爲善國今子亡矣誰成此里仁之美俗樹此士人之善則甚爲輿論推重



黃鳳

黃鳳新添人為諸生將貢以母老辭謝家居侍養且精于醫卜稱神術屢見重于當道然未嘗輕身干謁



默記卷五十三目錄

淑媛列傳

女玄漬

夜郎遯水女子

聖婆

宋

耳娘

元

脫脫真

仙婆

大明

楊淑人

邵氏

徐氏

陳恭人

王氏女

蔡氏子晟

楊氏畢氏

劉氏女

陳氏

葉氏

趙氏

張氏

馬恭人

包氏

趙氏

石氏

施氏施氏余氏

楊氏

劉氏女張氏郭氏

劉氏

龔氏

高氏

袁氏

宋氏

楊氏

吳氏

戴氏女

楊氏

蔡氏

余氏

甯氏何氏姚氏大  
范氏小范氏周氏

毛氏

韓氏

劉氏

陸氏

胡氏

乜氏

貴陽府節婦

宣慰司節婦

威清衛節婦

平壩衛節婦

清平衛節婦

興隆衛節婦

普安州節婦

都勻府節婦

安順州節婦

安莊衛節婦

安南衛節婦

思州府節婦

思南府節婦

龍里衛節婦

新添衛節婦

平越衛節婦

鎮遠府節婦

黎平府節婦

畢節衛節婦

烏撒衛節婦

赤水衛節婦

永寧衛節婦

普市所節婦

果言卷之五

法苑珠林卷之五

默記卷五十三

曰其子曰李興家為平其妻  
 恭和郭子章相奎父著  
 漢州宋興祖汝杰父正  
 貴溪畢三才成叔父校文

淑媛列傳

蟪衣生曰予讀列女傳所采多奇節夫奇節非婦人幸也  
 遭遣不辰綱常攸繫穀植孤雛保完家世良亦苦矣然從  
 容牖死恩綸載錫猶足為閨闈之光丘壟之賁也若乃行  
 露與厭浥之嗟臨難多犬羊之逼一貞自矢九死如歸身

膏林莽寃震雷電豈非節烈之最著者乎故特著之篇而  
守節者有才智者彙爲之紀嗟乎南國被文王之化遵召  
伯之教季女多露相感而貞而八番七星諸婦無文猶興  
居夷而華則尤難之難者作淑媛列傳

女玄漬

楚之先出自帝顓頊其裔孫曰陸終娶於鬼方氏是謂女  
玄漬蓋孕而三年不育啟其左脇三人出焉右脇三人又  
出焉其六曰季連是爲芊其後有鬻熊子爲文王師成王  
舉文武勤勞而封熊繹於楚食子男之采其十世稱王

夜郎避水女子

夜郎之初有女子浣於避水有三節大竹流入足間其中  
有號聲剖竹視之得一兒歸而養之及長有才武自立爲  
夜郎侯以竹爲姓

續衣生曰玄漬鬼方氏之女也避水浣者夜郎之女也一  
則三年不育啓脅出子一則三竹流水剖竹得兒語出華  
陽志與路史似若怪誕顧后稷棄林中仲尼弗刪陽侯遺  
竹節於無恤馬遷必錄圻胸生禹堯母名門惡得盡以爲  
誕而况於夷也

聖婆

聖婆不知何許人領五男行至鎮遠甲水司岑樓山渴甚以手拄竹杖卓地祝云我得地水當隨杖出果得水又以竹植地祝云我得地竹當成林果成林時揮涕竹上今霧雨竹有液如涕又土人拾得一襦呼為聖婆裙一十二幅長五尺二寸每與苗戰即揭以為幟苗見幟輒敗去蓋苗畏鬼故也今岑樓山聖婆井猶存

宋

宜娘

宜娘宋人管兵於黃平今黃平城北三里有宜娘城城南五里有宜娘山人明同知高任重詩云阿娘何代此專征百世英威尚有名試向山人咨往事蕭蕭瓦礫是遺城

元

脫脫真

脫脫真者貴州達魯花赤相元一作孫妻也以早寡不忍獨生以死從夫延祐二年秋七月壬寅旌其節樹碑任所

仙婆

仙婆永寧人名滿道篤於道行善知休咎人多就决焉卒

葬於烏降山下至今呼為仙婆墓

大明

楊淑人

楊氏鎮寧十二營人楊太女祖仕元為普定府通判洪武十四年天兵南征安陸侯吳復留鎮普定聞楊聰慧有志操以禮聘之十六年侯薨楊哀毀幾絕翼日沐浴更衣于靈几後自縊死事聞贈貞烈淑人

壻衣生曰楊淑人楚人也非漸於中國之禮教也非有女戒女憲者書可讀也又非有姆訓也事安陸侯董二

鄒氏

鄒氏崑山鄒思明女洪武初思明戍普定鄒甫五歲隨母居鄉間長適同里人吳文榮乃奉母歷萬里至衛省其父未幾父調征當行文榮請代往已而亡于陣鄒年二十一歲感夫之義哀毀幾絕父母勉諭之誓死守節發居四十七年未嘗忘哀

壻衣生曰鄒氏女微獨其節堅也其孝亦足術焉奉母省

父問闕萬里夫亡守死發幃事親為吳令妻為鄒孝女諒為烈婦當如此矣

### 徐氏

徐氏平越衛軍人李庸妻正統十四年庸與賊戰亡徐年二十五子三歲都指揮趙信欲奪其志以配衛卒徐以死自誓守節四十餘年

### 陳恭人

陳氏貴州衛徐資妻正統間都清苗叛資從征力戰亡陳勵絕復甦乃堅志守節無遺孤節登第歷官副都御史封恭人壽八十終合葬資塚念周孟中題其岡曰忠節御史王鑑之學士吳寬中丞孔鏞俱有記

附翰林院學士吳寬忠節岡記自古戰陳之士死於難者不可勝數論其死直與巡遠杲卿輩等然名姓不登於史冊泯然無聞者皆是或挺身遇賊使屈伏焉亦不至死死必以言抗之耳而亦無傳於世甚可恨也壽昌徐君公正少戍貴陽以文雅謀略為其上所知嘗召籌兵事途與賊遇遂死其手其妻陳孺人即欲從死以有二子鼎節尚幼乃已後節受教登甲科為才御史既獲



恩典及其父母而士大夫知其事者多為哀挽之詩遺  
之夫貴陽在西南萬里外去 中朝甚遠使非其仲貴  
顯於時士大夫安知有公正夫婦邪此予所以為恨者  
節字時中與予為同年進士出守太平號稱循吏頃以  
三載考績至京出示此冊為題此復之蓋嘆公正之死  
為不幸亦幸其有子且併其妻之賢行同傳也

王氏女

王氏女石阡府人名伽藍父瑛正統初任姚安晉朋驛丞  
伽藍隨任幼閑閨儀許聘同郡士人楊振綱後瑛解任隨  
回籍至寨楊遇苗賊瑛年老不能奔遂被害伽藍時年十  
九被執驅以行且欲汙之藍見父已被戮厲聲罵曰吾父  
既為所害恨不啖爾肉尚敢更為不道邪賊強逼之又曰  
寧同父死不共賊生唾罵之聲不輟於口賊怒而害之知  
府余志為傳萬曆伍年知府鄭一信祠祀九年御史陳效  
題旌

蔡氏

子晟

蔡氏都指揮林晟母有志行發廬賑貧正統末苗夷普奴  
叛圍畢節城官軍皆調征平越晟亦守備貴州城中無一

可恃蔡散家資募精兵并僮僕登城拒守凡三月寇無所  
掠解去蔡率衆躡之寇大清時稱女將軍云晟讀書好士  
以丁罪連坐罷官優游林泉年八十餘卒所著有墨莊詩  
集

### 楊氏畢氏

楊氏永寧衛伏文貴妻貴征交趾死於陣楊年二十二子  
成方二歲誓不二適成長亦以征貴州叛夷戰歿其婦異  
氏亦守節不嫁天順間有司以婦姑全節題旌  
嬪衣生曰文貴父子世為忠臣楊氏婦姑世為節婦一門  
之內忠節兩全即云不幸亦復何恨

### 劉氏女

劉氏貴州衛指揮劉芳女名慧芳未字時母病割股為羹  
以進母疾隨痊後適千戶朱宣年方二十三朱喪撫孤守  
節誓無他志撫按旌之

### 陳氏

陳氏貴州衛千戶夏圯妻圯喪陳年尚幼衣毀如禮葬畢  
竊整衣冠閉戶自經景泰間表其門

### 葉氏

葉氏普定衛百戶陳玘妻年二十子二長甫六歲次月餘  
 玘隨師征討勞苦成疾歸而益劇語人曰吾死無憾但恐  
 妻二適如吾兒何葉曰君勤王事致疾天必佑君設死妾  
 必不獨生未幾玘喪葉哀毀盡禮偃臥自刎血漬枕席舉  
 家惶怖傅以藥婦曰我必死但撫我二孩立陳氏門戶耳  
 遂絕

趙氏

趙氏清平衛漆大亨妻亨卒趙年二十無子自縊以殉  
 題旌

張氏

張氏興隆衛舉人朱玉妻玉卒張年二十一哭三日絕而  
 復甦乃慨然曰婦人從一而終吾夫既歿吾何以生為遂  
 具衰絰自縊死

馬氏

馬氏都勻衛指揮陳昱妻封恭人夫病將歿馬具命服冠  
 笄詣祠堂曰夫婦之道生同室死同穴今夫將死妾雖生  
 何為又泣別其姑姑懼徧請夫僚友畢至勸以勿死及夫  
 卒馬悲泣盡以家屬姑曰夫婦義重分在必死遂入室閉

戶自經 詔表其門曰貞烈

包氏

包氏都勻衛軍人劉進妻進溺水包往求其屍負歸謂隣婦曰吾年二十二無子豈能再事人乎遂自縊副使吳立嘉其烈合葬之 題旌

具表趙氏

趙氏都勻衛軍人郭秀妻從夫於戍秀採薪渡江死趙亦奔水見者採之既歸悲號不已以死自誓親隣異之防守益密不逾月防者少懈遂自縊

石氏

石氏印江李宣妻也姑歐陽氏嚴重石事之每可其意好治麻桌蠶繭性真率衣著五六載不易幃幙中華靡相尚石獨朴儉無耻色弘治乙卯宣卒遺孤二家事窮迫艱阻萬狀或勸其嫁泣曰遺孤柰何且死之日何面目見君子於地下乃紡績撫孤嘉靖乙未卒宣卒時石方二十七歲孀居九四十年卒之日六十七歲家宰胡公崧爲之傳

范氏戴氏余氏

思州府范氏徐萬謙妻年二十九戴氏省察徐萬顯妻年

二十七余氏吏徐鵬妻年二十二二氏同居值銅苗攻府  
擄去相挽投河死御史宿應麟旌表曰一門三節

吳氏

吳氏石阡司鄧再興妻嘉靖庚戌鎮寧叛苗隴郡殺其夫  
吳聞赴難死

馬氏女

馬氏龍泉司馬萬珠女年十七播袁李保倡亂氏被執賊  
欲污之詈言叱賊賊裂其尸

楊氏

楊氏石阡生員彭好古妻夫故楊年十八夫壘楊悲號不  
食旬日亦故得合壘焉 題旌

劉氏女張氏郭氏

劉氏銅仁府人名辰秀梧州通判劉仁次女年十六隨父  
之梧州父卒於官劉扶襯還至平樂府莞藤難值狂獍劫  
舟劉恐爲賊汚挽父二妾張氏郭氏同投水死巡按御史  
蕭端蒙 題旌其門曰清流三烈詳

附清流三烈詩鍾陵王孫竹坡主人昭平堡下莞藤難

翠髮紅粧玉柱殘激浪魂愁江口夜伏潮骨浸水中寒

蛾眉鐵目流沙掩毓齒冰肌烈石鑽名定春秋諸史誓  
何人敢爲女人剛○郡守魏文相百年正氣毓蘭堂葵  
女寒光曉落湘異姓同心甘就義一門三節永傳芳山  
長水遠凝春恨玉潤水清瑩日光烈烈精英昭兩粵銅  
崖今復有共姜

嬪衣生曰黔之於粵西遠矣三烈旣墜魚腹父死於旅弟  
繫於賊誰復有傳其事者卽傳之誰則信之故憲副之書  
姓名於竹木天若留之以傳三氏之烈賓祿之奮義以贖  
憲副天若鼓之以無餒劉氏之忠雖然出之兄弟故人之  
口人猶未盡信也張兩山公始按粵而目之繼撫黔而口  
之人誰有不信者而後蕭公以聞三烈以彰嗚呼天之巧  
於彰節烈如此乃其益愈貞竟與神明伍與造化游跡竟  
藤作汨羅今銅崖有貞姜所爲世教人紀豈其微哉豈其  
微哉

劉氏

劉氏甲江王朝妻嘉靖十八年苗攻縣城被擄不辱罵賊  
而死

龔氏

龔氏

龔氏婺川生員舒英妻夫亡守志姑令再醮矢志靡它尋  
自盡嘉靖四十年旌

高氏

高氏黎平府成卒卜壽妻壽成新化所高從之紡績以居  
壽卒年二十九遺令善事他人高曰妾從君跋涉酸楚所  
不忍死者君在耳君歿妾何用生旣塋壽遂自經時人哀  
之

袁氏

袁氏黎平府百戶袁傑文幼聘舍人正言嘉靖五年言方

一十四歲父指揮載侵軍興出亡逮言監追年父產盡遺  
書袁氏父母令改嫁袁誓死不聽四十一年撫部鄒即中  
憫言又禁憐袁矢志暫離言歸完娶旌曰三楚遺烈甫三  
月言復入獄隆慶三年言瘦死袁守節如初御史雷稽古  
具題王言代父追贓繫四十年無辜之禁袁氏未婚苦節  
守四十載有夫之寡對旨下免贓旌表復其家

宋氏

宋氏安南衛指揮蕭律妻律卒誓不再嫁撫孤叢承廢未  
幾叢卒宋其貧移居墓前備嘗諸艱撫孤孫時中承襲年

八十有九隆慶四年御史蔡廷臣 題旌

楊氏

楊氏年十六歸安南衛百戶李遵謙被夫逐依母居一十二年夫悔悟復迎歸僅二載生子棟夫卒楊紡績度日撫棟承襲年踰七十萬曆初御史楊允中 題旌

吳氏

吳氏烏撒吳惟允女聘軍士李貞未嫁貞調戍金齒竟亡不返父母將改嫁之女曰吾爲李氏聘卽李婦也誓不他適引刀斷髮守節五十九年 題旌

戴氏女

戴氏女龍里衛戴勝女八歲陳世傑聘年幼未歸傑娶妾生子氏矢不嫁奉父母克盡孝道御史薛繼茂 題旌  
蟪求生曰寧人負我亡我負人戴氏女以之矣陳世傑何以自立於天地間乎

楊氏

楊氏甲江任職廉妻廉爲知縣以採木之役卒于官氏七日不食觸棺而死御史薛繼茂 題旌

蔡氏

蔡氏



蔡氏貴陽薛廷珠妻也幼有志操子適薛治經生言有聞矣已試有司不售輒憤恚投烏當河以死厥明訃至蔡哀不勝脫舍旁并趨投之賴鄰婦亟拯得免蔡不欲生哭輒嘔血骨立待蓋兒方卿甫三歲姑許氏提兒示之曰若欲從吾兒地下遊乎無論吾孀姑老如此孩提何且備往奚益成孤難矣蔡大感悟稍理櫛沐強饘粥以適姑意比兒長就外傳則時時微以父事感之而身執緝績以佐請卒就兒以明經舉于鄉舉之日蔡猶隕涕哀思如初喪焉

彥卿為溫江令三年得 贈父如其官 黜孺人萬曆間御史薛繼茂題旌庚子二孫紹魯師魯同鄉舉人以爲節婦之報云

徐氏甯氏何氏姚氏大范氏小范氏周氏  
思州府徐氏吏蔣輝妻甯氏經歷盧薰妻何氏張自秉妻姚氏監生楊勝舉妻大范氏熊觀海妻小范氏熊仁妻周氏八姐上官周廷珪女七氏皆遇賊一時義不受辱挺身迎刃萬曆十七年 題旌

毛氏

烈婦毛氏石阡木商張春妻萬曆貳拾陸年春插賊殺春

驅執氏行氏抱夫身厲聲罵賊賊怒斷其手足死面猶向夫貳拾柒年御史應朝卿題旌附祀烈婦祠

韓氏

韓氏興隆衛百戶萬一麟妻一麟卒於嘉靖壬子韓之二十四歲僅餘小屋數椽韓與一婢相依焚香誦佛四十年所居忽生異草嫩綠浮英編於一室後窘極鬻屋以供衣食剪茅爲舍異草復生鄉人奇之壬辰雷雨夜赤光照耀於韓之室有項方散鄉人愈驚異諸士夫贈言褒之年七十有二卒萬曆壬寅御史宋興祖疏稱韓氏貞原所性貧且益堅四十八年純節草木皆知七十二歲完名電雷可

楊 題旌

劉氏

劉氏永寧衛萬象妻先是象欲以祿資置田種八石五斗有捐貲報本之意象卒劉承夫志將前田捐入學中水作義田院道刻石匾其門曰旌義

陸氏

陸氏黎平張啓容妻善事翁姑慈懃定省又暫一政嘉靖三十八年兩院賜孝婦匾旌之

胡氏

胡氏新添衛孫天民妻家貧徹夜紡績以供其肯翁性嚴姑性樂事之兩得其懽及從夫宦遊遇美食輒泣不舉筋遂茹素誦佛以禱親壽至卒乃已

七氏

七氏都勻衛夷人老功重萬曆二十三年往田歸道遇賊逼行不從以刀脇之延頸受害院道聞而瘞葬之

貴陽節婦被旌者孔氏小旗陳通妻正統末通以禦寇死孔守節弘治初旌李氏都指揮洛宣妻宣征麓川戰歿于

守節正統間旌袁氏龔環妻孀居七十五年旌嘉靖間旌

者李氏生員劉增妻商氏生員范序妻王氏生員湯東妻

龍氏長官程鑑妻方氏長官龍昇翱妻任氏黃鎮妻郝氏

黃閩妻為姑婦雙節胡氏潘鳳鳴妻朱氏生員林之桂妻

萬曆間旌者顧氏生員蔡嘉言妻越氏洛獻書妻陳氏生

員羅紋妻越氏李端妻周氏于尹陳易妻朱氏王可愛妻

張氏守備劉鎰妻李氏楊繼臣妻廖氏劉尚和妻葛氏生

員徐天祥妻陳氏徐大綱妻王氏李傑妻

宣慰司節婦被旌者張氏舉人越淳妻陳氏舉人胡驥妻

范氏詹恩妻謝氏劉冕妻張氏生員王納諫妻楊氏生員  
潘汝明妻李氏生員韓弘庶妻周氏生員強如山妻

威清衛節婦被旌者蔣氏蔡俊妻張氏魏政妻政征永寧  
死於寇李氏生員易鎧妻陳氏生員林玉妻郎氏沈琇妻  
琇死於寇沈氏生員曾松妻李氏楊鶴妻楊氏周惠妻

平壩衛節婦被旌者陳氏千戶梁武妻朱氏劉綱妻  
清平衛節婦被旌者李氏都指揮石宣妻白氏千戶玉雄  
妻郭氏千戶王保妻王氏周德妻楊氏生員趙仁妻王氏  
生員孫方妻卓氏嚴茂妻楊氏通判孫應鵬妻

興隆衛節婦被旌者王氏百戶吳澍妻郭氏千戶蘭誨妻

周氏都指揮權繼武妻武征香爐山陣亡李氏生員狄應  
臨妻

晉安州節婦被旌者范氏柳昇妻守備柳之文祖母岳氏  
石有才妻蔣氏王鐸妻鐸死於米魯之難汪氏沈尚綸妻  
陳氏沈洙妻洙尚綸子也姑婦雙節

都勻府節婦被旌者秦氏百戶石珍妻王氏生員屠珏妻  
劉氏指揮柱世知妻

安順州節婦被旌者黃氏王二妻裴氏王召保妻景氏馬

彪妻顧氏指揮時仁妻康氏主員詹洪妻程氏馬應龍妻  
蔣氏葉立妻張氏生員詹斗妻丁氏宋名臣妻張氏舉人  
薛鳳章妻蕭氏生員汪大寬妻

安莊衛節婦被旌獎者沈氏李晟妻撫孤二代易氏張御  
妻殷氏朱訓妻黃氏指揮倪鸞妻濮氏關嶺王驥母淡氏  
席珣妻陳氏生員張英妻雷氏生員何寶妻趙氏倪學妻  
撫孤三代

安南衛節婦被旌獎者唐氏何俊妻王氏指揮梁冠妻十  
七歲守節四十餘年

思州府節婦被旌者許氏黃道司民張羽妻高氏黃道司  
民張价妻

思南府節婦被旌者李氏朱庸妻李氏邵洪俊妻李氏田  
興趙妻張氏李復善妻

龍里衛節婦被旌獎者譚氏王淮妻黃氏夏時妻魏氏甘  
禮妻

新添衛節婦被旌獎者吳氏王達妻王氏指揮馮斯良母  
王氏陳椿妻徐氏舉人馬爲麟妻

平越衛節婦被旌獎者廖氏周清妻丘氏蹇玉妻周氏監

生林科妻楊氏戎衣妻姜氏生員劉士恒妻

鎮遠汪氏何瑛妻何氏楊昌文妻劉氏羅溶妻鍾氏楊鐸妻何氏甲水長官楊政松妻錢氏土同知何承宗妻張氏楊再翱妻楊氏土同知何熙妻蘇氏解童妻俱文年守節不渝或旌或獎

黎平姚氏詹華妻李氏百戶唐英妻汪氏曹紀妻俱以守節獎

畢節閻氏生員李麟妻徐氏生員羅琛妻閻氏以十九徐以二十三孀守無瑕俱於嘉靖二十七年旌

烏撒楊氏生員陸廷富妻守節不二 題旌

赤水歐氏生員陳琢妻章氏聶貴妻俱以守節旌

水寧節婦被旌者封氏閔煥文妻謝氏張貴妻馬氏指揮侯英妻胡氏孫賢妻鄒氏鎮撫雷震妻沈氏雷霖妻人稱雷門雙節梁氏夏時妻張氏土同知王鳳麟妻嘉靖間旌陳氏進士聞賢妻樊氏生員閻克明妻俱萬曆間旌晉市所楊氏舉人李棟妻以守節旌

黔記卷五十四目錄

方外列傳

唐宋大明

陳致虛

雷旌道人

南宗

孫寧

塔僧

林春

廣能

徹空

性良

悅禪

一天

魯志堅

簪笠僧

拜經和尚

碎塵

劉明德

雪軒

石三泉

余中瑞

白雲僧

壽記卷之四

泰和郭子章相奎父著

漢州宋興祖汝杰父正

貴溪畢三才成叔父校

方外列傳

附寺觀

增衣生曰方以外謂之二氏顧二氏之學亦未易言矣道

德爲父神明爲母清淨爲師太和爲友此老氏之學也大

慈悲爲軸智慧爲輪精進爲馬戒定爲銜忍辱爲鎧總持

爲轡勒此佛氏之學也是豈可易譚邪千里一士百世一



聖黔中幾何而方外者幾二十人如上陽子張三丰其名頗著餘就舊志紀之其果有得與否予不知之矣

唐

陳致虛

陳致虛號觀吾一號紫霄上陽子嘗從緣督真人趙友卿學受金丹妙道徧遊夜郎至思唐與宣慰弟至陽子田琦煉丹於萬聖山崖壁中後皆仙去編註有金丹正理大全數拾卷山頂石泉至今存焉

思唐今思南府

宋

蕭從道人

蕭從道人不知何許人宋開寶間銅人兇蓬寨人楊再從崇尚仙學一日有馬者携草蓑一雙詣再從索金五兩再從意欲買之其妻不從道人擲蓑於地化為雙鶴冲天而去道人亦不知所往但見門柱上有詩新打芒鞋巧又牢五兩黃金價不高楊君不聽妻兒語從我蓬萊走一遭其子以水洗之不去刀刮之益顯柱至洪武十四年方圯

大明

南宗

南宗長沙沙門塵網蚤脫悉志禪宗洪武間遊至貴陽募  
建大興寺推演內教感化者多示寂茶毗得舍利焉

孫盜號湛然子始蘇人洪武中請居普安州素性冲澹雅

尚文事精通玄理有營繕廟宇之功謁武當得秘術嘗誦  
經於玉皇閣夜靜有祥光現或月光掩映人偶見之謂之  
祥光耳年七十日沐浴衣冠端坐而逝郡人異之指禪  
陳進徵邑士沈勗贊焉

### 張三丰

張三丰字玄谷名猷號三丰又號平蓬又呼遺通仙闕

縣人又云羊城人甫七歲能奕隨手應局人無敵十歲習

儒業失怙恃長入番家華林遇至人脩樓三十年出山混

俗歸閩補刑曹吏閩人未知也未幾囚刑獄連坐編戍夜

郎之手越同解將及境師浴於河遂沈溺不起明日自水

出袖各司回文批帖解者探囊中原文已無矣始神之受

重魄而別至平越平越亦未知也千戶張信幼失怙母甚

鍾愛之少敏慧善奕邦人寡二師往較焉果高手也張崇

頗殷款師甚豐一日殘局終宵抗衡因記之各就寢張夢

老嫗汝甚當如是而後纔展起不敷者而師負矣師大笑曰驪山老母大是饒舌由是人知其異遠近播傳覓者旁午師將遠遊辭故人十餘家皆饗於一日席皆有師人愈異焉師臨岐謂張曰吾爲汝父浚塗地以酬君殷勤命張取骨自負指岩窟密曰汝勿懼往擲置之口中既入見石牛欲相啖畏而樹角出以告師曰大至封侯斯亦足矣復授鐵鎚命往擊洞門石磴且曰擊不過一二鎚至斷而已張力不勝擊至七方斷見金魚飛去婦白之師曰惜哉汝八日止存君一人十年後位至封侯十二年間當會於武

當言訖而別後永樂靖難張以功封隆平侯至十二年間果勅祭武當山見師山中石岩炊瓦釜形質憔悴破衲腐穢傾米飲爲茶送棗一枚迺之張置湯不飲袖其棗而別下山視棗已長尺餘驚訝復上山尋師已遁矣追悔莫及師曩居平越高真觀今有禮斗亭浴池石碁局山中嘗有人聞聲咳嗽響振岩谷後移居武當往來天柱五龍南岩紫霄諸名勝洪武庚午拂袖長往不知所止

墳衣生曰予過平越以播州托巫人言平越城內亡井泉殊以爲念比聞高真觀有天生池往觀之觀後山層起張

仙三丰嘗構亭禮斗遺址猶存傍有天生石池長盈丈許  
 廣可三尺深四五尺四時清泉不竭不溢名浴仙池池畔  
 有桂樹既枯再榮觀前有蟠龍穴觀下有石犀洞張隆平  
 侯父母析壑焉平越人指點隆平未遇時仙授福地驗應  
 遺詩如持左券予明日去平越上隆平母墳則張仙之尸  
 悉合景純葬法地靈可馮豈盡玄虛因得其鈐記五章詳  
 載焉

其一曰遠遠長龍自北來  
 豚流城石連僧屋前峰凹處  
 堪為塚若壑真泉  
 少至階隆平侯壙母於此其二曰飛

鳳投江穴在頭龍泉虎嶂兩朝流東隅賔列聯峰秀陰  
 穴陽君萬里侯隆平侯壙父於此其三曰離却蟠龍一  
 里餘其形宛若下江豬膊後肘前堪作穴角音姓者珮  
 金魚本衛楊少叅壙祖於此其四曰不前不後只于中  
 也沒堆巒也沒峰坦坦四隅平作穴若人壙後位三公  
 其五曰金鈎掛帳錦峰堆帳下清流三復歸若壙這條  
 鈎上穴文膺男貴秉權威以上二穴至今尚未識之

塔僧

塔僧無名未樂間住安莊衛白水堡觀音寺言貌謹厚用

磚疊塔於寺後坐其中與千戶丁昱等約曰吾入塔爾以  
磚灰固塔門明年今日聞塔內有聲始塔之如其言僧果  
危坐自如異香馥郁容貌愉懌衆咸異之後不知所往塔  
尚存

林春

林春錢塘人父文中永樂時以高道徹尋坐謫戍貴陽卒  
春性賦敏捷才長身偉勅遣受業於真人周思德盡得  
其醮水禱祈之法而行之以誠多所感召卒年九十二子  
宣有才行書法適動隱居以終

廣能

廣能正統間卓錫興隆月潭寺戒行不玷禪誦勤苦嘗晝  
誦經有虎入寺僧行警是能不爲動虎登堂見能遂去或  
問曰師有道乎能曰華嚴力也吾有何道因戒衆隱其事  
歲已巳前夷寇興隆且欲劫寺衆僧皆逃避請能行曰吾  
辛勤結構此寺誓同存亡獨守不去已而寇至欲殺能能  
曰幸戮吾於外毋污此佛地賊義而釋之且戒同暴毋毀  
寺寺賴以全寇退衆聞之亦曰華嚴力也

徹空

默空蜀僧正統間來住貴陽朝音寺機鋒驚敏詩亦清峻  
後復之蜀稱寂示偈唯以振宗風爲要

性良

性良普安州人生而奇秀戒行篤實開創興福寺談經析  
理釋徒多從之景泰間有芝產於堂色如青玉王公徽作  
靈芝賦以紀其異年人十四忽一日更衣兀然若睡而卒  
人見騎白馬由西嶺去咸以爲屍解云

悅禪

悅禪杭州人雲遊住普定圓通寺有戒行善化誨愚迷人  
多禮之年九十餘景泰元年五月終四年二月出殯於龕  
視之顏色如生人皆稱異

一天

一天宇常勝曲靖人住普定衛圓通寺戒行峻潔人所崇  
重

曾志堅

曾志堅楚人有道術天順間以誑誤繫京師值大暑上  
命祈雪以皇城爲限夜半上覺寒開豹考視之飄飄遍  
地次日命中官出驗城外略無雪跡因免死改戍平霸衛

木石妖幻符至卽除呼靈禱雨刻期必應終日閉門誦經  
一日召其徒曰謹守吾法坐而遊

善竺僧

善竺僧不知何許人成化間戴巨笠抵貴州大興寺郡士  
羅王藏脩寺中僧見之曰子何勤苦如是吾有術能爲銀  
助汝壘粥乃取銅錫雜置爐中頃刻化爲銀羅意欲傳其  
術僧曰此不足學敗爾業後不知其所往

拜經和尚

拜經和尚名興宗大理人成化間住持貴陽永祥寺誦法

華經每字一拜一木板歲又木爲之穿四十年未嘗下山  
其戒行端謹類此鎮守太監鄭忠爲建寺請額曰永祥年  
七十自刻卒期鳴鼓告衆僧逝

碎塵

碎塵雲遊僧卓錫貴陽青岩谷精寨觀音菴以居確守戒  
律不妄接人詩律古淡有世外風

劉明德

劉明德宣慰司人少遇異人授以火雷秘法呼召風雷奔  
走神鬼戒行清厲尤爲特重後端坐而卒

雲軒

雲軒趙州人雲遊求靈宣撫司初立夢緣庵坐山十四年  
戒行誠實後禮部差錦末衛舍人蕭興訪取赴京不知所  
終

石三泉

石三泉都勻三清觀道士踪跡詭異獨居無侶雙鶴來巢  
久而不去時人神之後不知所終

余中瑞水德司人頗讀書能詩精岐扁術一劑立起沉痾  
年八十有五甚矍鑠閑步城市不倚鳩人稱爲半仙

白雲僧

白雲僧大理人戒行精嚴杖錫幾遍天下萬曆庚辰至交  
新陽寶山探幽採勝直窮數澤山故多虎主僧止之弗聽  
暴糧坐澤中九八日時方大雪僧所止有鹿臥其地雪亦  
弗及僧異焉蓋去來必建叢林去十年果來建千佛閣取  
材於山凡百工之技若匠若陶僧皆自爲之絕精巧閣將  
成僧遣其徒化緣於滇範六千金身來功費甚鉅僧往遂  
之塗抵平壩卒卒之時謂其弟子曰吾志願未畢會當復



來乃今來則不可知矣僧入山數年人未嘗見其臥山故多虎僧至乃絕間有工課人亦不及知也

如登

僧如登蜀人萬曆己亥遊於黔閱藏於大興寺既精三乘復誦六書予建忠勳祠後監準提亭遊登與破塵貳僧度共香火破塵南謂普陀如登子處亭子著轉識論論曰元窮至理秉握天然心既列多爲少事既變麤爲細緣生死依涅槃釋煩惱爲菩提轉也分別一切見聞覺知亦非他物全是真心影名棄彼百千澄清大海認一浮漚爲全潮

體種種擬議思量結縛背却真光妙體識也議樵文詞貫成法式總斯一旨之弘綱論也乾元弗比造化始初威音那半以前鴻濛未判之兆混混沌沌杳杳冥冥無形無相故強示曰真空不動之道玄玄寂寂一物未嘗假名爲心心焉天然亦名火藏火性無體遇物成形動則如積薪之火裕水救而難滅寂則似濁水投於靜器不擬久而澄清迷之曠劫不返悟時只在剎那論曰古今三界唯心萬法猶識所謂心生則種種法生心滅則種種法滅心生則萬境全彰心滅則一塵不立揣其本末三世諸佛皆用此心

前賢後賢無一不同此心成等正覺或曰何心也答曰涅槃妙心也世有一法過於涅槃吾卽不說問曰脩習涅槃成等正覺爲從有行爲從無行答曰不從有行不從無行及不從有行又不從無行云何得成等正覺乎答曰有亦如如無亦如如不於諸法生吾我心者是謂有行攝意常定心如虛空不著三界是謂無行然此有行無行盡情蕩絕於空離空不染空識息心未滅不與相著嘿然無言以與涅槃符令學悟之士爲求涅槃故脩聖道道如船筏必應捨故亦猶意樂不願聖道故緣道行相亦得無願明以本期心厭有爲故空非我相非所厭捨以與涅槃相相似故覽融云無心恰恰用恰恰用無心今說無心時不與有心殊悲夫學道之士其心怯弱或者空厭有或執中背邊或生斷滅想作增減見流浪情塵莫知能返執爾不了妙淨明心爲物所轉受諸輪墜一切衆生聞已不聞從無始來爲心意識流轉流轉時揮不覺知如來在般若會上說諸法空相蕩盡情量界蘊塵勞水消瓦解到究竟空亦不可得若人續有善根種性只向不可得處拈却見聞覺知了沒交涉或曰轉識爲智理義云何答曰當垂正幢摧折

邪慢頓成智識之相了無思議之心智體廓然無明澆盡  
經云此是無明滅已則成智見噫欲憶轉識爲智先淨自  
心自心清淨何識不轉何智不明已論曰心意意識習氣  
過患等法皆悉轉變之極乃復其性無非一如以皆如故  
離心絕想經云思想心息如是法相名大涅槃言大涅槃  
者甚深禪定圓明寂照非同殂落華嚴經云心智路絕名  
不思議法名如來印法華經云非思量分別之所能解楞  
嚴經云若能轉物則同如來窮其物者心意識分別之境  
然根境識三攝盡萬法是也夫九脩觀行轉阿賴耶識爲

一團一積一聚爲一聚已猶緣真如境智故脩習多脩習  
而得轉依轉依無間當言已斷阿賴耶識猶此斷故當言  
已斷一切雜染問阿賴耶識何也曰心意及與識總言識  
也遠離思想法智也得無思想法則轉識爲智此是菩薩  
而非聲聞此言智之始也人能轉識爲智智悲雙運廣大  
無盡然後佛恩可報聖果可期如此用功自念我與衆生  
說如斯法名真度生也楞伽經云通達智識之相疾成  
阿耨多羅三藐三菩提無上法王薩婆若心懇切而已豈  
亦長沙云此事約限不定唯在心思路絕自然淨去不難

植拉龐老云但願空諸所有切勿實諸所無推尋源底只  
是一念不生方有少分相應如實而論轉而無轉乃轉假  
相變而無變乃變假名苟以名與相假與真七顛八倒待  
對不絕信知諸佛如來識心成佛換名不換體也然我無  
有我靈知無知名相兩釋使心境灑樂物我一如則歸如  
來大寂滅海歸無所得始得究竟堅固圓滿菩提頌曰絕  
心思量法情境寂然休識浪同時息大海亦無涯如是四  
處轉轉處得源流菩提不得人法兩俱全有無無所立  
空空亦復空遠離四想法智海闊無窮澄清歸妙湛月影  
現其中無生亦無滅三際體圓融是出世間法聞思修  
脩歸無所得處涅槃彼岸頭子爲序而刻之大興

黔記卷五十五

泰和郭子章相奎父著

漢州宋興祖汝杰父正

貴溪畢三才成叔父校

方外列傳二 寺觀

貴陽府

大興寺在城中元至正間廬陵彭如玉建洪武二十年長

沙遊僧南宗重脩正統十年頒勅諭大藏經典陸千卷

百伍拾卷賜玉碗金佛後經殘缺萬曆三十年章為補之

建閣祀接引佛題曰玉爐金佛之閣昭君賜也以經全  
故刻米元章寶藏二字於閣下南充黃諭德輝親書龍輪  
法藏四字額之

寺田正統十二年僧福廣用價玖拾柒兩置二橋冲田  
伍拾柒坵○弘治十六年僧圓昊福廣用價貳拾陸兩  
捌錢置石門坎下大壩田貳分○景泰二年僧徹空等  
用價貳拾兩置四方河田貳拾伍坵○萬曆十六年僧  
教澄祖融用價拾捌兩置俚舖田貳塊○都司李顯文  
施價拾壹兩置貳舖麥山田壹塊○僧詹維清用價捌  
兩置前所窩圍地壹所○以上共納秋糧壹碩米斗肆  
升伍合玖勺差銀肆錢

僉事時季照記略大興寺在貴城中元至正間廬陵道  
人彭如玉創精舍後真賢建大雄殿毘廬閣莊嚴設像  
遂名大慶寺 本朝洪武四年貴款附立軍衛戍守之  
漸知嚮慕寺名益顯二十年長沙沙門南宗遊方至寺  
若行脩持與其徒圓智悉心葺造構四天王殿山門寮  
舍重塑三寶毘廬諸佛及觀音地藏十八羅漢等像并  
五十三參於壁傍植松栢外繕垣墻煥然增美鎮遠侯

顧成啓於 蜀王改賜今額永樂二十年僧慧智領事

事八年官慰使舉智奏設僧綱司就授都綱貴州僧有

官有署昉於智智首管丈室為棲禪所購大藏經一部

顧公及李正相與築赤銅七千五百斤鳩工鑄鑪於節

左余以巡歷屯田抵貴常詣寺瞻禮智請予記以傳永

久○巡撫孔鏞詩貴州城北市橋邊路入招提別有天

千尺危樓齊日月百年古殿鎖雲煙老僧獨坐三生石

遊客誰來一指禪聖澤普施豐五穀便教龍臥井中泉

○主事黃龍光雨中昆盧閣與立禪談貴山一片石誰

是點頭者獨有深心人閣中來結夏一足了朝昏萬法

冥真假聖講豈不玄無取亦無捨攝念到瀑反發真鑽

穿若浮雲不礙空日夕與上下遊望山雨來大可花盈

祀

永祥寺在城內西南隅舊名潮音或化同又監鄭忠重建

勅賜今額後稍頽萬曆二十九年予檄都司王納忠指揮

楊祖禹重脩

勘合碑抄略貴州等處承宣布政使司為請頒寺額事

准禮部咨字三百三十九號勘合該鎮守貴州太監鄭

忠奏稱貴州城內西南隅舊有觀音堂一所係洪武初  
年創建本處官吏師生於此延祝 聖壽咸共瞻仰但  
年久歲湮日就圯壞不足以安神忠自備錢物變易木  
石及令寺僧勸募義財雇倩夫匠脩理完備本僧請立  
護持禁約等因奉 聖旨該部知道該禮部議覆題奉  
聖旨都准他與做永祥寺欽此合行本司轉行鄭忠欽  
遵知會施行

寺田麥菜寨田貳分上米叁石捌斗糧壹斗伍升差銀  
柒分伍釐僧道廬置○太監李買田壹分僧洪恭置買  
貳分在聖泉水納糧貳斗係看守聖泉僧耕食○王鑾  
椿關口寨田一塊納羊場司頭目秋糧伍升○東門城  
脚下田貳坵糧貳斗○水東司中槽田壹分糧米斗差  
銀貳錢壹分

巡撫葉相詩碧雲蕭寺暮天遙松桂花陰晚見招風細  
小堂纔聽法月明荒戍更聞刁塵機半日真憐息虜氣  
千山未許驕同侶舊遊今遠隔瑚珥鳴珮紫宸朝○山  
川黃落又殘秋塵事關心人易愁絕塞望窮鄉信杳長



廊行盡梵香浮水雲護榻憐僧定杭稻盈疇喜歲收更

莫談兵負 明主尚留恩澤在南州○總兵李璋和詩

客邸光陰歲歲秋籌邊誰暇動鄉愁幾年青鬢紅霜點

一寸丹心向日浮清境偶從閑處息塵機纔到靜中收

憑高遠拭登臨目望盡行雲是 帝州○郡人汪慶詩

暇日閑遊到上方白雲深鎖老僧房幾枝桂影搖晴照

四望山光帶夕陽城外溪流時漱玉閣中金鼎夜焚香

前朝賜 勅今猶在永鎮招提萬古長○黃龍光求祥

寺兩望秋染靈煙紫翠重環流清淺咽杉松諸天金色

莊嚴界深樹經聲自在鍾盡日宿陰沉極浦當空墨嶂

抗飛峰一從巖下藏金甲風雨年年護臥龍

聖壽寺今改作武侯祠

按察使劉福詩春雨初收試省耕水邊蕭寺可人情數

聲牧笛風林晚一葉漁舫石瀨平醉倚麴生捫笑口坐

謳詩將破愁城天連銅鼓流雲淨清籟依稀作鼓鳴○

黃龍光武侯祠詩武侯祠畔石粼粼伏臘南人此獨清

運去功名聊管樂時來魚水見君臣手抄萬水牽殘照

入坐千峰隔遠旻我醉欲吟梁父曲不勝清怨落江濱

大道觀在省城中元至正間建舊名崇真洪武間重脩改  
今名頌有道藏經萬餘卷今殘缺○東山寺在東山上嘉  
靖間建萬曆三十年重脩○玄聖宮在南門外○輪蓮寺  
在東門外舊名蓮華寺圮萬曆三十年重脩改今名○玄  
帝觀在北門月城上萬曆間巡撫王緯建○弘福寺在東  
城外○水府閣在甯虹橋首爲湧水者多乃建○文昌閣  
在東門月城內萬曆二十四年建至三十一年訖工○迎  
恩寺在南關外萬曆二十三年建  
淮提亭在城東忠勳祠後萬曆三十年建

郭陵烏記曰淮提亭在貴陽忠勳祠佛閣後家大人因  
黃恭父彙名也恭父名龔漳州龍溪人少業儒已棄儒  
習孫子書從家大人討播討皮林俱與幄籌賊平間以  
淨土問家大人雜儒佛語語之黃有省萬曆二十九年  
夏五月病徂勾僧如惠誦彌陀經將持爲西方公據忽  
忽之一亭甚莊嚴見一牌大書吾與汝今夜論司存復  
命先進長者之道亭坐二人侍者語黃曰左丘太守右  
郭建公黃曰非郭中丞長公子邪侍者曰然黃趨與兄  
建公揖建公目之并黃之井畔一人汲水二鍾飲之甘

丘與建公行黃隨之條而醒汗如雨下病尋愈以告家  
大人竟莫曉爲何所黃自是棄武弁歸侍其母行至汀  
州旅署漏下二鼓見金色如來始似人漸高無量直與  
天齊黃頓首三鼓而滅三十年滇有緬警陳中丞公復  
趨黃之滇從滇還閩道黔九月廿五日夜黃夢之一所  
甚莊嚴顏曰雅提大會門豎二大黃璠篆書人佛不二  
人二佛無二心性相緣心緣性誰緣黃趨而之中堂左  
右柱上楷書不善未嘗不知知之未嘗復行少選建公  
出逐之曰君前所見乃雅提亭也予負譴幸救入此爲  
會間校字君前所飲乃非生水也先進長者乃予嚴也  
司存復命雅提佛母也今其相若乃吾夫子也君其謹  
識毋忘悵然而別已復追黃授一紙曰人有心照雅提  
二字口證雅提二字手臨雅提二字其人乃能於阿耨  
多羅三藐三菩提註一善位口不惡心不惡身不惡得  
報四十九字字字金書黃歸闕道白下因以語陵陵憶  
无建公初幼時母夫人哭之慟一夕夢至一亭亭垂琉璃  
簾建公磬咳其中已二童子捲簾建趨出見母頓首  
母問曰汝何爲此建對曰兒居此掌人間善惡簿昨大

人居鄉救荒一事此已登善念簿母曰可得見乎建曰  
可少選二童子傳呼取善念簿簿至高濶文許建揭示  
母曰此條乃大人救荒事已命持去拜母入內堂禮佛  
檻外蓮花盛開母子倚檻細說頃之獻茶茶畢送母歸  
曰母亡哭兒處此甚暢也明日母夫人以語陵兄弟竟  
亦莫曉為何所以今黃生二夢質之吾兄所居其雅提  
亭守嗟乎顏子脩文地下建公校字雅提夫復何恨而  
况得吾夫子為之依歸也至云不善未嘗不知知之未  
嘗復行陵兄亦與恭父當共閱免焉亭成家大人命小

子陵記之如此

主事黃龍光雅提亭記坡雅提亭記記昔者吾友辨建  
公往因也其說如夢如幻疑信者半疑者以死為斷滅  
一切往生夢現盡屬烏有病在不能信信者謂人間善  
惡鬼神悉聞悉知微掌記孰為司契獨其指相君為吾  
孔夫子柱上書不善未嘗不知知之未嘗復行語雜儒  
佛似屬牽附病在不能疑天佛以心性為宗以無為體  
矩太虛不柱一絲善惡從何而立此最上一乘義不落  
言詮而六祖教人於十二時中自見已過則兼脩中下

事也夫子曰中人以上可以語上也中人以下不可以語上也亦未嘗名上爲何物而物寔混成於中下之中故其稱顏氏子不善未嘗不知知之未嘗復行而其自憂恒曰聞義不能徙不善不能改蓋自處以庸德之行而不敢以最上示人也今世無夫子諸具利根種智者盡從無處流行種種習氣悉成暴流誰爲究竟而還無聲無臭之至手如楚則謂夫子之相於佛也亦宜全往在長安度門無際禪授以佛母唯提經文無多言法用觀想餘說受持願報不立文字信其爲諸佛第一密因亦吾夫子所謂不可語者也持之一歲以罪放歸舟中病疫二十日忽愈若風多平佛座下愈而知其爲准提護持也夫以余之鹵莽作輟尚獲報如此况君生平善信不作人間一黑業死之日猶捐百金造橋施絮深心檀度其云得救入此會夫復何疑且自爲諸生先進長者今從見羅先生講學武夷先生甚器之語具在揚集中其於不善未嘗不知二語殆庶幾矣固宜其揭以自勗最世也丁酉之役君一日聲動縉紳諸縉紳先生無不願一得當郭生者額獨匿跡自喜間以時啓戶納余

入因窺君博雅才藝世界無兩而閭樸沉嘿殆類顏氏  
 之愚計其住世亦略相等君豈其後身邪其宿命殆不  
 可思議已夫人生有所待死必有所往戊戌春君下第  
 還至涿州以書抵余云自謂丘壑足畢此生斥鷃之於  
 大鵬其道遙也君今校字此亭其見夢云處此甚暢  
 誠然誠然乃龍光躡人間無一善狀上負聖訓下慙  
 友生中年學佛亦墮信不能疑案中讀茲記悠悠我思  
 願乞亭畔甘泉灌頂各諸不善業化為酪酥而幽明路  
 耿曾證無從因綴數語其末以當讖悔庶幾他日不為

茲亭生客且以見余與君其過去未來因或當如此耳

水定番州自天德下在回鹘去空留一劉孝期

西山寺在州西○萬壽寺在金筑司○國泰寺在小程司

○羅永寺在金筑司又名螺湧定文君曾潛於此

○宣慰司

通化寺在洪邊成化間宣慰宋然建

郡人陳文學詩城北招提十里遠山門闌寂草蕭蕭天

花疑傍雲花落栢子頻移衲子燒晨磬聲隨松兩度千

茶香引桂風飄杖藜徐步聞香覺無限塵心晝自消

龍泉寺在治城北八十里大乖西元大德辛丑爰樞使苟彬建名曰雲泉寺以其地有三泉僞呼三台井成化間宋然改今名○永安寺在城北一里宅溪宜慰司署前水曰寺崇真閣俱北一里○水月庵在城北一十里烏當江中○崇聖觀在城北八里天順間宣慰宋昂建

○巡撫孔鏞詩貴陽正景說洪邊雲滿青天水滿田持節偶來巡視處清風萬道散狼煙○有輿十里到洪邊綠水青山別有天道上不知何處去空留一榻傍雲眠

迴龍寺彌陀寺俱城北八十里○萬壽寺在東西司土官楊棠建○興慶寺在創佐司治北

思南府

觀音閣在府城中和山頂郡人李大祭涓出金市道人馮靜通地為會講處因建閣閣前為普濟亭類瞰百雉山麓翠栢千章郡士人多習業其中閣後為藏經樓凡五楹藏經陸百卷拾捌函計陸千卷百卷拾伍卷僧碧空取自金陵

閣左為玉皇樓知府趙垣建

李同野觀音閣記略曰舊華嚴寺宣慰司祝壽所也在

中和山麓于嘗登閣引賜錫帽擁於後萬聖賓於東三  
台天馬拱於右二峰峙於左德水西來環抱東南遂迤  
而白鷺洲浮江與魚吹上下相望相爲首尾中和則端  
聳卓出與衆山不類若賢入正士安處衆羣之間甲舍  
城堞皆在下目一方奇覽也嘉靖戊午道人魏洪馮靜  
通僧人正恭白於兵憲金公於山之斗絕處建觀音閣  
萬曆乙亥颺守脩庵蔡公建亭於閣前兵憲怒庵高公  
篆普濟扁于亭捐僧人圓滿法通增建六佛堂及左右  
漢舍辛巳正恭募衆建藏經樓閣乃稍稍完美矣涓載

筆記其事記曰往者與脩庵春朝登閣脩庵述觀音大  
士本行告涓因觀見大士爲入大士前劫妙莊王季女  
也孩身悟佛法浮海入於香山王追之不得處王末歲  
破癰潰瘡不治大士化醫身白玉得玉所生骨肉感手  
眼爲藥問其心許可乃治也玉骨肉感惟長仲二女問  
二女不可醫復白玉曰無已香山佛普濟人苦難不少  
恡得其手眼亦治王往購佛慨然可取手眼予王玉疾  
愈率宮姬百吏渡海謝知其爲季女也大士爲王說法  
喋喋以孝言王問割手眼時痛苦何似大士云欲愈父



疾毫無顧惜是以毫無痛也王及宮姬百吏皆化國人聞法皆回心而俗變於戲觀音大士所為若此惜乎不及吾孔門曾子之孝也會啓手足幸保全故競戰終其身恐墮手足毀殘親遺大士不然劔目銀指以愈親患曾子所為大士所不為大士所為曾子所不為也閣成廼述脩庵新語為記且告閣中僧云爾佛以去父母為教何大士喋喋以孝語爾可以深思矣

玄帝觀舊在府治東門內今改城北有知縣羅國賢碑記  
○未寧寺在蠻夷司前枕德江先名圓通弘治間長官安

洛安字李谷建郡人知府李富施其地萬曆二年知府蔡應申重修更名為本府登儀坊二十二年災知府趙垣推官劉養中後先重建○瓮溪寺在府西南六十里○龍泉寺在府北一百五十里○金華寺在府治西北四十里○中天塔在府治東椅子山萬曆二十一年參議史旌暨建○迴龍庵在府城北一里○圓通寺在城南二里○常樂寺在城北十里唐時建為福常寺宋賜名中勝院明改今名年久地廢惟遺一鐘一碣

觀音寺板場坑未樂間建左為玄帝觀○東泉寺在東平  
 里許嘉靖二十六年建至是為習儀所○玄天觀在城南  
 一山之下矗峻奇絕登者援磴而上樓亭層疊松栢蒼翠  
 俯睇下方宛若憑虛御空為邑中勝槩○文昌宮在城南  
 一里萬曆十年邑人龔冲霄建知縣鄭向陽重修○虎耳  
 寺金剛寺俱縣北五十里○銅化寺慈化寺俱縣西五十  
 里慈化僧頗眾其地產茗遠近取給前為海宇寺○三臺  
 寺在縣南二十里○漂海寺在縣西六十里○豐樂寺在  
 縣東二百里○銀碗寺在縣東五十里○法華寺在縣西  
 三十里○佛興寺在縣南三百里洪熙時建○銅山寺在  
 縣東○玄帝觀在縣南

甲江縣

五巖寺在縣西五里宋時建後廢嘉靖七年重建○觀音  
 寺在治西○真武觀在城北○三清觀在縣四里宋乾德  
 間建○梓潼閣在縣西四里○迎恩寺在縣南一里○真  
 武觀在縣南

浴河司

常樂寺在司北六十里唐為福常寺宋勅賜中勝院國朝

改常樂寺廢惟遺一鐘一碣○金仙寺在司治左○浴豐寺在司東二十里宋時建廢嘉靖元年里人何文林重建○雲臺觀在司北六十里廢嘉靖十年長官冉朝佐重建○龍華寺在司北三十里○廻龍寺在司東二十里○東嶽廟○馬伏波廟○壽亭侯廟

思州府

廻龍觀在府渡前東岸○飛山廟在治南一里唐誠州刺史楊再思前代封英惠侯血食此郡○五顯廟在治南○火星廟在治北門外○玄帝廟在新城水口○玄帝觀在

黃道司西旗頭山上○回龍庵在都素司南

都勻府

觀音寺在城中洪武間積瘴黃鐘建永樂間都指揮陳原脩後爲藏經樓萬曆二十三年建

高真觀在城東北

提學鄭曼詩山光隱見入高樓携手相將到上頭縹緲鸞笙連碧落參差桂影接丹丘百年勝地霞生彩九轉真銓火正流對月傳觴承沆瀣凌雲終共伯昏遊○副使張守中詩月裏同登庾亮樓德星光聚碧山頭孤雲

縹緲橫深谷曲水盤旋抱古立坐久不妨玄露濕杯盤  
還共紫霞流子真誓是瀛洲侶不學盧敖汗漫遊

玄帝觀龍山上嘉靖間主事張紳建置田租塞石爲本觀

香火○水府觀在城北三里夢遇山郡人王重道建○關

公廟在城北隅○濟源廟在城東山麓洪武間建今移舊

堡○五顯廟在城北後街洪武間建之○文昌祠在城東

### 鎮遠府

文昌閣在儒學○副使葉明遠建○岱嶽行祠在州街○

鎮江寺在衛西關○大神廟在鎮遠驛後山○南嶽行祠

### 在城山溪有江樓一間

知府嚴鳳江樓對雨詩瑣牋江水流道人長日以江樓

○山青鳥白無人到起對漁翁喚酒籌○隔岸燕翁卷釣

絲晚風吹雨怕歸遲道人殘夢茗溪上錯向江流嘯詠

詩○候報 山人了事却歸來蒼菊滿塘秋正開乞得

閒身付妻子白雲深處住尊壘○書懷 倚窗設榻稱

高眠清夢醒時喜欲醒自起推窓看明月松陰忽送

聲鶻○次韻田丘意 又聽樓閣下簾櫳對壘長吟孰

與同六出霏霏撼空白三農處處卜年豐兵嚴半夜城

堪破凍合長塗，任不通年。現珠方聞太守折梅，竟使寄詩翁。○紅爐鈴閣夜，是寶鴨香沉。燕窠時思入寒雲，迷絕域夢隨飛雪。錦瑟聲屏隱，隱禁聲度畫戟森森。竹影移見說，思楊風化。還憲臺桃李長新枝，嘉靖三十年，節於祠西建香爐煙露亭三間。

水府祠在中河山，石土嘉靖十九年建。○五顯廟在州街。○吉祥寺在城西北，洪武十四年建。○北極宮在治城西關。○真武廟在治東。○玉虛觀在治城南。○玄妙觀在治城東，未樂間建。○飛山寺在平昌寨，如飛來之狀。○雲

殿在治城東，十三年建。○迎仙宮在治城西五里，油條關，萬曆十二年建。○迎聖宮在施秉縣北三十里。萬曆十二年，本寨有水患，漂沒田廬，知縣趙喻立祠鎮之。○平靈寺在偏橋，可。○龍鰲洞天在治城東。○觀音閣在治城東，榜山下。○玄妙觀在中河山南。○天妃廟在玄廟觀。○吉祥寺在河高。○玉虛觀在偏橋。

周瑛詩：玉虛儂觀靜，可以避言喧。此不盈榻白雲營。

滿軒陰符三百卷，道德五千言。試問長生訣，如何制鬼。

鬼。○次韻沅州判官陳縵詩：駐馬入僊觀，脩然隔世宣。

松風林下簟竹雨永邊軒白首狗微祿丹書達至言三  
生憶前夢浪說若精蒐○周瑛詩有曾來觀南趾三年始

一觀煙銷素練以雨過玉龍寒不可辨塵土端宜洗肺  
肝吾將結亭子銘曰此盤桓

東山道院在玄妙觀觀東山片有竹栢雙貞堂竹園一所

雙亭一座

程節竹栢雙貞記曰鎮陽江之東有玄妙觀觀東皆

石崖崖之麓不知何許人因石并刻刻為獅象形若司  
守者然循崖而上為東山道院有小房四楹廚一楹

羽士所居左脩竹右古栢崖石峻峭律迥為可觀余乃

據其中為堂三楹堂前為露臺為廊房臺右倚崖累石

為坦道倚栢面崖為殿厦仰見繁陰翠色蕭蕭森秀

奪人目有登斯堂者曰竹栢雙貞暇日余偕別駕楊君

薰往憩焉召羽士徐教洪問之對曰自教洪為童時崖

石蕪穢野棘雜生條榮條瘁未若斯栢斯竹之貞而莫

之改也教洪養斯竹也剪蕪理穢焉封培沃土焉去曲

存直而區別美惡焉而後根斯叢密也幹斯武毅也枝

葉斯耆茂而拂雲掃月搖風之可愛也余笑曰羽士之

言其知道乎薰曰然余亦肯首自誦曰詩云瞻彼淇澳  
綠竹猗猗有斐君子如切如磋如琢如磨瑟兮僖兮赫  
兮喧兮有斐君子終不可謾兮學者不可無此德業子  
曰歲寒然後知松栢之後凋也學者不可無此節操此  
之謂竹栢雙貞薰曰聖賢言近而遠以垂訓羽士不知  
而暗與道符公可無言于斯堂哉余遂書竹栢雙貞四  
字于楣篆詩及聖言于屏述前言以爲記

赤崖土主廟在車家灣赤崖山下○馬神廟在鎮遠驛嘉  
靖二十九年知府程懋建○漢壽亭侯祠在衛城東關嘉

靖三十一年知府程懋建○水府祠在中河山崖上嘉靖  
十九年通判楊薰建○印水司城隍祠

櫛記略曰 國制天下府州縣司各有城隍神祠蓋有  
城有隍而後有城隍之神也亦有無城無隍而立神以  
祀之者一方之土神官民依之以爲主也則凡賞善罰  
惡功功罪罪之不可得而偏私者以神爲鑒察也印水  
一十五洞蠻夷司舊無城隍亦未粧塑神像前有溪河  
後有山崖是亦城隍形勝也豈無神以司之乎有其神  
而未能昭申于上帝顯示於官民且無定位無成名缺

典也嘉靖二十九年本府通判楊薰臨司撫安苗夷計  
擒首惡賴神以主之乃命土舍袁恩修建神祠粧塑神  
像以爲朔望行香瞻仰之敬嗚呼禮固可以義起神亦  
本以誠存神像一新神靈顯著賞善罰惡功罪罪官  
民得其所宗神威自然不爽而幽明一理通達無間矣  
夫城以保民也隍以保城也神能保安官民神亦城隍  
矣牒具府城隍聞之上帝直名曰叩水司城隍之神

石阡府

觀音閣在府治南○玉皇閣在城西比萬曆十六年知府  
陞鄭建○玄武樓在府治左○水府閣在城西比萬曆十  
三年知府諫大經建○迎恩寺○迎水寺在城東五里○  
東陵寺在東山西○迴龍寺在龍底昔人見有神龜建以  
鎮之○五峰寺○寶峰寺○青山寺俱府治樂橋○金道  
寺在義山○桶口寺在桶口左○蒼靈觀在城外河北萬  
曆二十四年知府郭原賓建○玉皇觀○五顯廟○土主  
廟俱城北○東岳廟○三撫廟○蕭公廟俱城南○三清  
觀○玄天觀俱在樂橋○圓通寺○普明寺俱葛彭司○  
定光寺○隆安寺○長欄寺○義陽廟俱龍泉縣



銅仁府

銅佛寺在府治西洪治間長官李淵建內有古儒釋道三  
銅像不知鑄自何代部以此得名○觀音寺在府治西長  
官李椿建○廣化寺在平頭司東○白雲寺在烏羅司北  
○東山寺在府治東正德間叅議蔡潮建○玄帝觀在南  
門外○迴龍寺在北門外○飛山寺在東山麓○川主祠  
在治西○晏公祠在漁梁江岸○英佑祠在治東○公安  
祠在治南○川主寺在小江口○旣濟祠在治東岸

黃平州

寶相寺在州東二里元至元開建武中重脩景云寶寺  
晚鐘卽此萬曆二十六年燬於播賊三十二年予檄知州  
曹進可重建

高任重詩草樹藏雲古佛堂鯨音清晚徹諸方山僧未  
詣敲鐘訣一百八聲隨短長

福智院在州治內西宣德間建○普陀庵在治內○文昌  
祠在州西通判朱崑建○如是院在寶相寺東萬曆一十  
九年予討皮林班師過此闢五洞名靜黎洞叅政尤錫類  
副使劉冠南副總兵陳寅共建是院於洞左中爲了空亭

餘慶縣

延壽寺在縣東洪武五年建○崔提庵在縣北玉虛祠前  
萬曆三十一年建

鎮寧州安莊衛

列峰寺在治北陸秉建○紫霄觀在治南○高真觀在治  
東○玄天宮在治北○東岳廟在治中○昭靈廟在治東  
○通靈廟○五顯廟俱治西○紫雲庵在雙明洞側○晚  
翠庵在城北二十五里○靈宮祠在城西二十五里螺山  
上○觀音寺在白水堡西○三教堂在北口堡內○三聖  
廟在白水堡內○關索廟在衛南四十里昔關索領兵征  
南至此有神應後入遂立祠於山巔祀之

文昌祠在玉京山上○關索行祠在城南關外○金鳴寺  
在十二營司境內○龍王廟在十二營司東一里龍潭側  
○文昌祠在馬場市萬曆十二年建

永寧州

永興寺○關索廟在頂營司治內○五顯廟關王廟俱在  
募役司治內

安南衛

南峰寺在衛治關中○玄靈觀在治東一里○高真觀在城南一里玉枕山上○玉皇閣在南峰寺後山○龍神廟在治南鷲關○關王廟在南門外○川主廟在治東關外○水星廟在治前衛有火災建此廟以鎮之

安順府

開元寺○觀音寺

普定衛

圓通寺在衛治南白虎山上洪武十八年指揮顧成建後有孤峰屹立上建石塔以爲鎮永樂六年重建觀音閣大雄殿天順五年大監鄭忠重修寺有藏經殿永樂間十二營長官蕭賢建捐貲購藏經六千三百五十冊卷六櫃法華經二櫃

巡撫秦敬記略普定衛圓通寺創始于洪武十八年重

脩于永樂六年皆鎮遠侯傾城之力也乃今六十餘年

風雨摧地天順四年冬鎮守貴州中貴鄭憲統兵征討

西蠻酋駐兵普定見寺將廢意欲脩之旣而執訊獲醜

班師以還卽捐已貲倡率僚屬完而新之又買田數畝

以供寺僧常住且寺又爲祝延 聖壽之所公請記故

併及之

永豐寺在城六十里○大安寺在城西○石佛寺在城東  
○法海寺在城東○觀音閣在城西○崇真觀在城內洪  
武二十年建○水星觀在城北外萬曆元年丘憲林潞源  
建以禦火災○關王廟在城內北永樂間建○龍泉廟在  
城西嘉靖間建○二即廟在城東洪武間建○馬皇廟在  
衛西南○晏公廟在城西洪武間建○岳王廟在衛東○  
七聖廟在衛南永樂間建○總管廟在衛東永樂間建○  
蕭公廟在衛東○龍王廟在衛北○真武廟在衛洛南關  
外○文昌祠二一在衛東北小街一在西關外○魁神祠  
在文廟左

普安州

大成寺在治南北為習儀之所○興福寺在治東捧誥山  
下○東陵寺在治東筆架山下○永豐寺在新興驛左○  
普照寺在新興站北關外○清隱寺在亦資孔驛左○玉  
真觀在安籠所玉泉山下○西陵庵在城南普濟泉左○  
玄壇廟在城西雲南坡嘉靖三十九年建○水星觀在營  
盤山儒學右嘉靖三十九年建○玉陽祠在玉陽洞崖上

嘉靖三十八年建○東岳廟在普濟泉右萬曆十二年建  
○玉皇閣二一在舊普安嘉靖十年建一在海子鋪萬曆  
十一年建○文昌閣二一在南關玄真觀前萬曆八年建  
一在興福寺前萬曆十二年建○觀音閣在大威寺左隆  
慶六年建○三清閣在木星觀前萬曆元年建○開元閣  
在東陵寺後隆慶元年建○土主廟在儒學左○五顯廟  
在治西北隅○靈官廟在善應橋東○五官廟○武文王  
廟在城外十字街東○真武廟在城元門左

城清衛

崇靈寺在城內西宣德六年僧白雲建正統六年都指揮  
張貴重脩○觀音寺在城南弘治五年建○玄真觀在城  
內西永樂三年建○三清閣在城東○玉皇閣在城西一  
里雲龍洞郡人高登建○東嶽廟在城東萬曆二十年建  
○三元殿在城西萬曆二十四年建

平壩衛

永福寺在衛治南洪武中建正統十四年寺僧清聰重脩  
天順四年指揮何瑛重建

述判衛蘭記略平壩衛城西南百步許有山魏莪材木

翁贊洪武中衡者有好佛者相度其地堪為佛宮乃剪  
 大雜榛蕪平伐木石建庵堂三間塑佛像于中名曰永福  
 寺居民遇有疾苦懇禱皆應正統己巳有僧清聰自滇  
 南來住錫其間見堂宇傾圯乃因常住之財再加勸募  
 鼎建作大佛三尊外立山門周以垣牆歷十餘稔復見  
 敝壞景泰丙子貴州當道以永靈衛樞使何瑛來掌衛  
 事不數年城地廢宇廟學街衢咸一新之又以永福寺  
 乃習儀慶祝之所遂指俸為倡今住持僧清聰與善信  
 張福端等勸募檀越卜日營造經始于庚辰季春初告  
 成于季夏築臺三尺建佛殿五間更為僧室山門凡  
 十餘間展闢左右地幾畝比之舊治加百倍矣都閩王  
 公金公屬予記其事因大書于石以志其創脩之始末

云云

玄真觀在城西○列峰寺在飯隴舖側○真武廟一在城  
 中一在沙作站○東嶽廟在治東小街○漢壽亭侯祠一  
 在城東一在城北○靈官祠一在城南一在城西北隅一  
 在十字街北○馬王祠在城西街

畢節衛

普慧寺在城東一里正統間 賜額○靈峰寺在城西十  
里○開化寺在城東一十五里○般若寺在城東五十里  
○湧泉寺在通津門外○玉皇閣在清水塘○崇真觀在  
治南一里○大梅庵在城西一十五里○卽心庵在城東  
北十里○東庵在治東隅○西庵在治西隅○天臺寺在  
城南十里名中華山常有毫光見○三官廟在城東○東  
嶽廟在治內西○四聖廟在東關○三聖廟在東關○惠  
濟廟在治外東一里有龍潭○五顯廟在城內○五龍廟  
在城外南三里○旌忠廟在衛東三里○龍王朝在旌忠  
廟後○五嶽祠在稅課局左○文昌祠舊在聚奎橋今改  
建書院後

赤水橋

觀音寺在治東北隅○高真觀在治東門外○玉皇閣在  
城東○文昌閣在衛治東○五顯廟在學後○三官廟在  
衛治南一里許○五龍廟在文昌閣後○五聖廟在衛城  
南外○晏公廟在衛治南○忠義廟在衛治西南二十里  
清水江

烏撒衛

龍泉寺在衛治東門洪武二十年建

楊用脩詩搖扇才輕赤水日披芭忽逢烏撒天眼看深  
雲且未蹇蹇躡泥跡不前天時人事莽半落鄉夢客  
愁紛紛纏舌來路難盡有此形影相吊徒幡然○百年  
身世若浮行九日登臨感慨生鴻雁未傳滇海信茱萸  
偏動蜀山情空庭露白羣鴉散古木霜黃獨鶴驚尊酒  
相思搖落地江湖不隔夢歸程

觀音寺在衛東一里○真武觀在衛北一里

龍泉寺在衛治東北鳳嶺山上

孫繼魯詩陸海秋增色雲山翠剌屏赤松餐壁露黃石  
煉脩齡草木搖新路龍泉發舊碑登高如塵井鵬徒論  
南溟

仁壽寺在城南八十里○東陵寺在晉德驛站○三聖寺

在城北一里○水月寺在城外三里○蕭晏二公廟在衛  
治北鳳嶺山○五顯祠在衛治西○三官廟在南關外

永寧衛

萬壽寺按元成宗真元間永寧路達魯花赤總管府總管  
雄坐同知蔡潤府判繼君壁別駕楊廷時釋教普珍建之



於馬口崖下我明水樂間宣撫奢蘇同知戴亮奏遷  
於城西河岸舊倉基址正德間同知王鳳儀重脩○崇福  
寺一名定水寺在衛治南門外二水合流寺居于中洪武  
間建○觀音庵在城河崖瓦窰壩上未樂間建○普化庵  
在衛治南六十里落下堡山上未樂間建○夢緣庵在城  
北十里紅崖麓洪武間建○寶峰庵在城西十五里唐唱  
山上未樂間建○文昌宮在衛治寶真山上洪武間建○  
未福庵在城東○玉皇觀在衛東北○川主廟在衛治西  
○五龍廟在衛治西門○東嶽廟有三一西門外一公門  
外○晏公廟在西門外

普市所

普化寺在城西南八十里未樂間建○觀音寺在城西北  
隆慶間建○玉皇觀在城西北嘉靖間建

龍里衛

龍山寺在城東洪武三十一年賈祿建

黃龍光龍山寺夜坐詩勞勞車馬夜郎西耐可尋僧對  
佛栖幽壑度鐘風曲折層崖置寺石高低燈化落盡入

千里暝色晴初月一溪却怪年來空浪迹白雲多處亂  
山迷

紫虛觀在城東南永樂七年賈祿建○文昌祠在文廟東  
因改學建于站內潮音山○三聖祠在城北

新添衛王

興福寺在衛北門外永樂三年建○真武觀在衛北門內  
洪武中建○金山寺在衛西門外半里○觀音閣在衛南  
內○寶山寺在衛北十五里高山上近有僧白雲募建千  
佛殿于寺後左一里許四山環繞盤拱負一方勝槩○五  
顯廟一在城北一在衛南前一在站○王公廟在舍左謝  
祀鎮撫王壁

平越府衛

月山寺在城南二里洪武間建○鎮益寺在城西七十里  
○觀音寺在城南成化間建○五雲寺在城北四十里○  
迴龍寺在城北八十里一望平川去二里許疊障層巒一  
崖穿過如城門因名穿崖後改今名○高真觀在城南福  
泉山上洪武間建會臺突起下控曲江後有張仙浴池因  
名福泉樓

黃龍光福泉樓詩一片孤城接太清參差樓閣與雲平

露栖叢桂寒仍發

杜枯歲餘矣萬曆間張觀來以水灌之立茂

風動飛泉石

自鳴異域不妨頻中酒更深何處忽吹笙故侯馬鬣空

秋草

樓向有降

笑指浮雲萬感輕○劉良貴詩石亂溪

中水天空郭外山看高飛鳥倦洞古伏犀間四十里○

極樂庵在府西三里武勝營右萬曆三十一年予檄把總

馬武卿經歷陳江定建庵南峭壁有呂仙像予題神留宇

宙四字

窟木生極樂庵鐘銘此去極樂園十萬意佛土胡爲手

茲庵乃在平越府如來現行處慈雲作懺主無在無不

在無所無不所授人生諸樂求人脫衆苦此是如來心

方名衆父我爲築此庵只尺江之許巖上回道入相

顧咲尋尋朝撞鐘夕擊鼓如來祖師共一處萬年保障

吾黔圍○鑪銘香爇黔圍煙透淨土保我行侶壯我軍

旅脫海之苦禩佛之禩鑪煙縷縷極樂千古

黃龍光極樂庵詩更有塵勞苦欣逢極樂庵玻璃千佛

照空寂萬山涵香染蓮花妙僧依淨土參何年仙子跡

吹笛度鸞驂

疑真觀在楊義司東南七里○迴頭閣在楊義司三十里地名辭隆村○二即廟在城東南弘治間脩建○祠山廟在城東成化間建○靈官廟在城外北○馬皇廟在城北○東嶽廟在城東二里隆慶四年總兵安大朝建○文昌祠舊在學右嘉靖間改建城南

清平徧

聖壽寺在治西指揮王聚建

尚書孫應蒼詩空城存古寺寂寞已無僧獨有橫經客

時分共佛登凌雲盤老柱寒日隱荒榛對酌談時事

看百感增○黃龍光宿聖壽寺詩十年多病學無生客

裡因緣到化城亂後山僧零落盡石床空傍一燈明

玄真觀在治北天順七年指揮石宣建今改紫霞宮○迴

龍觀在城南改名廣福觀

孫應蒼詩竹栢浮陰森雲霞吐光耀奇哉神雲區玄扃

入深峭孤標脫塵鞅來往時舒嘯野興希清賞前期洽

高調突然虛白生風止齊虛竅復命在知常達始惟觀

妙偶坐已忘言遐致即壺罇

清泉庵在治西弘治八年建○李王廟在衛治中○晏公

廟在城南○文昌祠在學左○龍王廟在洽南四里龍王山下○馬王廟在城南○靈符廟在城南

### 興隆衛

善化寺在衛治南門外洪武間建又名觀音寺○月潭寺在洽東三十里飛雲崖側正統八年指禪常智建

御史王鑑之詩每約春晴祠裡遊來時風雨滿征裘半空寶剎雲中見一脈方泉石罅流竹色滿窓侵酒字梅

花幾點落花甌只因方外無塵鞅消盡骨中萬斛愁○

副使沈序詩坐立蒼翠結樓臺石磴盤懸壁上六景象

只疑非世有畫圖真信是天開却憐好處無僧占何幸

常時有客來我欲細看留數日試將清氣洗塵埃○食

事羅昕詩晦雨經旬負勝遊喜逢晴日拂衣萊偶尋僧

寺捫蘿入更過陀巖看雪流一點禪心如寶月百年塵

夢息金甌松門靜掩棕櫚影不入前山畫角愁○提學

蔣信詩我爲君吟君試歌冥鴻歸借海風多青天老大

憑誰柱一笑浮煙滿壽蘿○副使趙之屏詩欲買僧家

種福田掛冠高臥早歸禪悔從鶴背來滄海喜傍龍津

到洞天山日移雲松石下行人墮淡鷓鴣前看花對酒

詩言卷之五十一  
六夕多佳  
詩

不復飲片片愁心逐水煙○御史王杏詩林端百尺影

孤樓微翠粧成景象幽三島煙霞綠石結兩間星月傍

蒼浮瀾流續續來飛練谷響閑閑送過驪却笑定僧深

處住不知塵世有悲愁○行人夏言詩月向潭中靜泉

從雲外流寺門通徑宵樓閣傍崖幽掃石還留偈憑軒

一散愁偶來得奇賞忘却入遐陬○御史沈教詩書院

東坡麓空堂翠欲流林移雲蓋迥潭印月華幽遠岫迎

還送閑禽樂不愁何當恣奇賞及此巖之陬○按蔡使

鄭綱詩一宿東陵寺上樓雷聲終夜聞溪流巖非古對

青常合雲擁危巒瘴自泮往事有懷徒撫劍十年此地

幾鳴騶人間兒女憐今夕說盡牽牛萬古愁○司動皇

甫訪詩瘴嶺鬱風煙迢遙路八千羅施稱鬼國兜率見

人天幽洞穿雲際危樓架水邊澄鮮因悟寂照朗自通

圓有客嗟行役逢僧叩業緣皈心無別旨委順卽安禪

○恤部江進之飛雲巖詩昨夜飽看華巖洞今朝重玩

飛雲峰愈出愈奇真突兀轉看轉戀故從容巖頭水澗

春衣濕石上藤牽客鬢鬆老衲泣談兵火後寺門惟剩

兩杉松○再憩飛雲巖郵亭依梵刹古壑傍人煙泉滴

渾疑兩崖浮不礙天蘚深埋舊刻藤  
光長新顯車馬重來日登臨記往年  
○水部黃龍光讀巖下吳中丞維嶽  
碑感賦何處閒雲傍石飛飛來化石  
却忘歸燕稍帶雨秋光冷澗道迴風  
暑氣微亂後山川顏不改愁來五整  
意多違浮生過眼俱陳迹空向人間  
說是非

觀音閣在北關外○玉皇閣在城內○玄真觀在城南○  
壽亭侯廟在衛東○文昌祠在學內

偏橋衛

華嚴洞寺在衛西三十里予題曰四土妙依處

江進之華嚴洞寺詩一壑藏幽境羣山遶梵宮  
鳥窺僧窻飯猶掛洞門松石溜晴疑雨  
爐煙午颺風塵踪掃帚承小憩且從容  
○華嚴洞誰闢洪濛破寂寥丹青有筆  
不能描千花寶蓋浮空麗一簇琉璃拔地  
驕定有真人曾練鼎豈無仙女夜吹簫  
塵襟到此銷都盡便欲乘鸞向紫霄